



正 秋

# 古今事類全書

外集

廿

左右論德 附 左右衛率府率 僕正  
 左贊善 附 左右監門 典儀附贊儀  
 侍正 附 侍丞 典食令丞附掌領令丞  
 評經 附 侍藥 附奉藥 都監 附同監  
 司倉 附司倉 家令 司  
 判睦親正事 睦親正丞 王 總王府官  
附傳府尉司馬 節度使 防御使  
文學記室參軍 監軍 招討使 招討  
同軍統 都元帥 附副元帥  
 都統領 管 管軍總管

13  
 1804  
 24

門 43  
號 1804  
24

新編古今事類全書外集卷之一目錄

卷之一

○東宮官制

三師三少

歷代沿革

各具本題之下更不具載

書要語

各具本題之下更不具載

古今事實

周召保傅二見軫先拜二

太子太師

古今事實

詔答辭疾二  
八十守節二


遺表書旒二  
八十如儀三

廣受師少二  
生即置輔弼二

令太子拜二  
請赴資善堂二

銀印青綬二  
迎崇賢門三

始同三品二  
居詹事府二



太子太傅

古今事實

視尚書位  
為世儒宗  
為儲訓  
聞名禮召  
皆推石奮  
別案奉對

以名臣拜  
執子弟禮  
傳論語  
召對改容  
即拜張佚  
素服報恩

太子太保

古今事實

請朝五奏

寵異分班

太子少師

古今事實

分給院錢  
特賜步輿  
乘馬入省

太子少傅

古今事實

張良卧傳  
接以賓禮

銀章青綬

諫嗜鮑魚  
以驃騎令  
輦導太子  
傳不稱臣  
召訪政理  
奉觴為壽  
賜第私讓

以開府加  
能保吾子

佩水蒼鳥

諫易太子  
擇保相材  
躬訓儲官  
見而正服  
疾病吟味

以特進行  
德導太子

太子親拜  
議選蕭倪

太子行拜  
詔選元齡  
黃瓠少師  
匡衡即對  
賜以車馬

卷之二

東宮官部

太子詹事

附少詹事

古今事實

雅意墳史  
據禮當集  
不得詹事  
弼諧審論

妙選賢材  
征卷有功  
員外詔歸  
文華無籍

霸以經授  
舅得詹事  
長史屈除

青綬  
衣錦  
珽上書諫  
余代詹事

太子少保

古今事實

輔臣領東宮

賜乘小輦  
秉德尚義  
以老乞辭  
疏受閑雅

三世傳東宮  
外參傳訓  
賜三傑詩  
王丹正直

知公直士  
賦詩歡會

手勅稱名  
太常換散秩

西南謝太子  
得輔道義  
定二傅拜

秉德獲道  
不言之益

左右論德 古今事實

卿是東察八  
楊汝礪兼八

左右衛率府率 古今事實

公可大用  
陳彥升擢八  
身居三職九  
品為第三九  
和儉風神九

文武信義九  
清和理正九  
卿當獨步九  
書貴遊巖九  
柳肅面折九

褚靈才藝九  
謀費賈后九

僕正 古今事實

先諫官言事十

左贊善 古今事實

左右監門

典儀 附贊儀

侍正 附侍丞

典食令丞 附

掌領令丞 古今事實

減膳書十一

司經 古今事實

才望五職十一  
章奏作草十一

文雅登朝十一  
俸料由官十一

侍藥 附奉藥

都監 附同監

司倉 附副司倉

家令 古今事實

以智囊稱十二  
以賢良舉十二  
補吏部郎十二  
諫山遊觀十二  
文魏官躰十三  
婢識家令十三

司藏

卷之三

睦親府部

判睦親正事 古今事實

領宗正務十三  
訓導行藝十三

定讀書規十三  
舉劾達十四

置自訟  
賜鞍馬十四

築聞義室  
賜甲第十四

焚劄子檢  
父子司宗十四

詳酌奏請

### 睦親正丞

古今事實

相不能屈十四  
條上五事十四

自守無訕十四

卷之四

王府官部

### 總王府官附傳府尉司馬

文學

### 記室參軍

古今事實

有名必至十五  
擇替自傳十五

盡忠輒諫十五  
如儀必儉十六

治官廉節十六

論吾同異十六

號將軍十六

思中尉十六

母為玉吏十六

方外司馬十六

驢府司驢十六

諫王不法十六

吾子賴卿十六

善詩賦十六

善辭藻十六

不取貴遊十六

精選賓友十六

察王舉措十六

作富貴箴十六

陳進退節十六

專掌文疏十七

面叱巧令十七

不可得而親疎十七  
不可有功名心十七

卷之五

節使部

### 節度使

古今事實

賜之旌節十八  
親王遙領十八

賜以樽勺十八  
宰相遙領十八

父子更九鎮十八

同日餞兩鎮十八

六遷大鎮十八

四佩將印十八

烏集祭戟十八

持節就第十八

入境築稜十八

即護北門十八

堪當閩寄十八

賞罰分明十八

威令簡肅十八

政更寬恕十八

政代實簡十九

秋毫無犯十九

令嚴無犯十九

頗有治名十九

更除繆政十九

公退端居十九

戎服待見十九

為治嚴稜十九

未嘗贖索十九

信懷義成十九

威鎮兩河十九

斬折七軍十九

誅舞文吏十九

斬朱泚使十九

行守珪令十九

許民它遷十九

禁俗不葬十九

西道遂通十九

南裔肅然十九

自擇留後十九

號為債帥二十

降麻非故事二十

節度有三印二十

三世節使二十

四世節使二十

五世節使二十

父子建節二十

兄弟建節二十

### 防禦使

古今事實

虜不能犯二十一  
州人立碑二十一

民皆便之二十一  
郡人立碑二十一

都元帥 附 副元帥

古今事實

征討元帥

撫軍元帥

玉冊金印

詩書元帥

節度元勳

手詔勅書

臨軒授鉞

上樓行禮

圖凌煙閣

創凌煙閣

陳人退走

公拓授首

有功遙統

遣誓將帥

清河江神

兩浙尚父

詔置寮屬

斬徇驕貴

監軍 古今事實

止可委官事

不得干軍要

不與積錢

自効驍詔

招討使 附 副招討

古今事實

賊鋒受挫

籌畫皆出

日龍圖公

慕郭伐公

兼招討使

讓招討名

都統領 古今事實

出鎮河中

蕩滌羣寇

意氣相期

大人洲戰

立功取節鉞

破賊復汀州

和尚原戰

管軍總管 古今事實

當今名將

遼東獻俘

任以藩岳

箭定天山

俘滅三國

歃血敗寇

定襄制敵

戰俘名王

戰獲可汗

擊下十城

棄舟降賊

便宜決事

宣布恩意

露靡域內

進拔八城

召詔入朝

先登報國

筆書褒勞

蹀血虜庭

賦詩祖道

請斷石嶺

勇冠三軍

金瓶賜勞

銳士深入

獨全軍歸

率部落降

裂地獻俘

擊賊大奔

鬼章遂降

木征遂降

總領軍政

總治軍旅

札速專行

機宜熟識

燕達戰功

狄青材勇

札授方畧

御賜秘畧

遵裕知軍

張劉再任

上言取律患

請持夏國臂

新編古今事類全書外集卷之一目錄終

古今事類全書外集卷之一

南江富大用時可編集  
知建陽縣事南海鄒可張訂刻

東宮官部

三師三少

歷代沿革三王教世子立太傅少傅以養之文王世子入則有保出則有師成王幼在襁抱太公為太師漢高帝九年以叔孫通為太子太傅位次太常後漢太傅一人中二千石禮如師不領官屬少傅二千石悉主太子官屬魏太傅於太子不稱臣少傅稱臣晉咸寧中備六傅之職東晉以景帝諱師故改太師為太保梁三少各一人掌奉皇太子以觀三師之德後齊以太師太傅太保為三師少師少傅少保為三少唐三師三少官不必備唯其人無其人則闕之太子太師太傅太保各一人從十品少師少傅少保各一人從二品宋師傳不常設仁宗升儲置三少各一人李文定公以參知政事兼掌賓客及陞左相遂進兼少傅此宰相兼官僚之所從始也下謂兼少師馮拯兼少傅曹利用兼少保是時實為東宮官餘多以前宰執為致仕官若太子太師太傅太保以待宰相官未至僕射者及樞密使致仕亦隨本官高下除授太子少師少傅少保以待前執政其少師非經顧命不除若本



官至尚書即除少傅。丞郎給諫只除少保。若因遷轉則進一官。至太師即遷司空矣。天禧末皇太子同聽政。乃以首相兼少師。樞使曹利用兼賓客。自後東宮皆不置開禧。二年史同知自營事入樞府。乃進兼賓客。已而太子侍立。遂以錢丞相兼太子少傅。明年並置二相。左相改兼少師。右相兼少傅。大元置太子太師太傅太保。掌以道德輔導太子。太子少師少傅少保。掌明三師德行以諭太子。而論諸道其人不必備。

**群書要語**凡三王教世子必以禮樂立太傅少傅以養之欲知父子君臣之道也。太傅審父子君臣之道以示之。少傅奉世子以觀太傅之德行。太傅在前少傅在後。入則有保出則有師。是以教喻而德成也。師也者教之以事而喻諸德者也。保也者謹其身以輔導之而歸諸道者也。記文王世子。選天下端士孝悌博聞有道德術者以輔翼之。故太子見正事聞正言行正道。左右前後皆正人也。大戴禮樂正司業。父師司成一。人元良萬國以貞。注樂正也。司正教以成禮記。尊敬師傅。詩國之將興尊師重傅也。漢詔先王之建太子必擇九德之師六行之傅。薛綜謝表實資六傅之賢用弘三善之益。白集嚴緩制太師太傅太保掌輔導皇太子少師少傅少保掌曉三師德行以諭皇太子。奉太子以觀三師之道德。唐志三少之職掌教諭太子。舊唐書太子三師

以道德輔教太子者也。至於動靜起居言語觀聽皆有以師焉。續通

**古今事實**周石保傳。賈誼上疏曰昔者成王幼在襁抱召公為太保周公為

太傅太公為太師保其身體傅其德義師導之教訓此三公之職也。於是為置三少皆上大夫也。曰少保少傅少師是與太子宴者也。故乃孩提有識三公三少固明仁孝禮義以道習之。遂去邪人不使見惡行。前漢本傳廣

**受師少**疏廣為太子太傅兄子受為少傅在位五歲皇太子年十二通論語孝經廣謂受曰吾聞知足不辱知止不殆今仕至二千石官成名立如此不懼有後悔即日父子上疏乞骸骨公卿故人設祖道供帳送者車數百兩道路觀者皆曰賢哉。二大夫。同上本傳

**太子拜**晉武帝時有司奏東宮二傅禮儀不同帝曰崇敬師傅所以尊教前世之令典也何論臣與不臣其令太子拜之。晉書見輒先拜。唐順帝為皇太子禮重師傅見輒先拜。順宗實錄

**即置輔弼**唐太宗謂慶子于志寧曰古者太子既生士負之即置輔弼成王幼小周召為師是也。**請赴資善堂**宋朝仁宗為皇太子宰相丁謂馮拯兼

少師少傅樞使曹利用兼少保參政王魯樞副錢惟演兼賓客謂等因請師傅十日一赴資善堂賓客以下隻日互陪侍講學上從之。石林燕語

**太子太師**群書要語師範國儲。唐陸贄集輔翼春闈是資教導。陸宣公集李勉太師制



傳道元子帥長庶僚唐孫逖行信安王傳宜優天秩之榮極官臣之位作訓

元儲許敬宗除晨謁金墀事功於忠蹇夜隨銀榮義先於調護同贊皇儲

允歸師保曲阜行岐王來儀博望同上博望太子死名官師之尊曲阜行蔣之奇制

古今事實銀印青綬晉官品令云太子太師銀印青綬始同三品長孫無忌

為太子太師同中書門下三品同三品自此始唐職林迎崇賢館晉東宮故事

皇子詣崇賢門迎師傅居詹事府馮定為太子詹事時宰臣鄭覃兼太子

太師欲於尚書省上事定奏曰六典太師居詹事府不合於都省禮上乃詔於

本司上事人推美之詔答辭疾唐太子承乾與魏王泰交惡帝曰當今忠

蹇責重無踰魏証遣傳太子慰天下之望羽翼固矣即拜太子太師証以疾辭

詔答曰漢太子以四皓為助我賴公其義也公雖卧病可擁全之唐書遺表

書券唐太子太師魏玄成薨太宗謂侍臣曰玄成已沒朕遣人至宅就其書

得表一紙云天下之事有善有惡任善人則國安用惡人則國亂公卿之內有

愛有憎所宜詳慎若愛而知其惡憎而知其善去和勿疑任賢勿貳可以興矣

朕思之恐不免斯事公卿侍臣可書之於笏知必諫也八十守節顏真卿改太

子太師李希烈陷汝州盧杞乃建遣真卿四方所信若往諭之可不勞師而定

詔可公卿皆失色李勉以為失一元老貽朝廷羞表固留至河南府南尹鄭

叔則以希烈反狀明勸不行答曰君命可避乎既見希烈時朱滔王武俊田

悅李納使者皆在坐謂希烈曰聞太師名德又矣公欲建大號而太師至求

宰相孰先太師者真卿叱曰若等聞顏常山否吾兄也祿山反首舉義師後

雖被執詎賊不絕于口吾年且八十官太師吾守吾節死而後已豈容若等

脅邪諸賊失色唐本傳八十如儀盧鈞守太子太師帝元日大饗舍元殿鈞

年八十升降如儀音吐鴻賜舉朝咨歎

太子太傅群書要語太傅審父子君臣之道以示之漢賈誼策寵極腰銀榮深

佩王新書保傅承華鄭制承文選日遵彼承華又曰高步承華皆謂太子諸宮

外傳儲宮曲阜行姚福太師制東朝一品行蔣九臯太師制東朝太子朝也

文選曰東朝既建漢擇名儒任先疏廣晉崇碩德選在山濤六帖太子太

傅日就月將珠磨玉質言太子有王之質珠磨者以道也應劭漢官儀

詩句灼灼英台我德傳沈約詩言太子太傅

古今事實銀章青綬太子太傅銀章青綬佩蒼玉與服佩水蒼玉三傳進賢

兩梁冠黑介幘五時朝服佩水蒼玉諫諸鮑魚周文王使太公均去傳太子

發發鮑魚望曰鮑不登于俎安有非禮之物養太子哉諫易前漢

叔孫通為太子太傅高帝欲以趙王如意易太子通曰太子天下之本本

一

搖天下震動奈何以天下為戲帝曰吾聽公言本傳見尚書位尚書百官志以名臣拜後漢明帝御禹先朝名臣拜太傅以驃騎領王充以驃騎大將軍領太子太傅紀擢保相齊王攸為太子太傅獻歲太子曰保相之材必擇賢明為世儒宗賀循為太子太傅時朝廷初建勳有疑義宗廟制度皆循所定朝野諮詢一時儒宗矣又循為太傅為世儒宗命皇太子親往拜之執子弟禮晉東宮禮事皇太子於二傳執子弟禮二傳入見太子請崇賢門迎太子為一傳拜公於拜入坐對坐張勃傳晉道太子山濤為太傅講於宣武堂東步輦導太子晉躬親訓儲宮晉貫循為太子太傅詔曰循清真履道居身以坤約為本立德以仁遜為行躬親儲宮默而化成中興書為儲訓傳賜晉公卿禮秩太傅立草少傳書其以為儲訓傳論語魯論語二十篇太子太傅夏候勝等傳之論語序傳不稱臣魏太傅於太子不稱臣見而正服何夔字叔龍為太子太傅每月朔太傅入見太子太子正法服禮焉魏志聞名禮召吳程秉事鄭元避亂交州與劉熙考論大義遂博通五經權聞其名儒以禮召既到拜太子太傅三國志召對改容吳張溫少修節操孫權聞之問曰溫當人與誰為比顧雍曰當令無輩力見召對觀者傾悚權改容加禮拜議即選曹尚書尋太子太傅三國志召對政理唐趙宗

儒太和初進太子太傅文宗召訪政理對曰堯舜之化慈儉而已願陛下守之帝納其言本傳疾病吟詠白居易授太子太傅進封馮翊縣開國侯四年冬得風疾伏枕者累月乃放諸妓女素素等仍自為墓誌病中吟詠不輟本傳晉推存晉書石奮孝文時恭謹奉朝無與比太子太傅缺選可傳者皆推奮遂為太子太傅奮子慶循行孝謹元符元年立太子選群臣可傳者慶自沛守為太子太傅即拜張佚顯宗始立為皇太子詔問誰可傳太子者群臣皆言陰識可博士張佚曰今陛下立太子為陰氏乎為天下乎即為陰氏則陰佚可為天下則固宜用天下之賢才帝曰欲置傳者以輔太子也今博士不難正朕况太子乎即拜佚為太子太傅榮為少傅後漢桓榮傳奏廣字仲翁為太子太傅廣受為少傅帝置酒太子躬奉饌以為壽上甚嘉之後並上疏乞骸骨詳見總六傳奏太子太傅仍典朝政皇太子下令攝太傅申國公士廉朝國王國華儀刑攸屬寡人忝膺監守實資訓導此日聽政當屈同榻庶因咨白以祛家蔽但據按奉對情所未安所司宜別以一案奏太傅奏服報恩漢夏侯勝為太子太傅受詔推論語年九十卒太后為勝素服五日報師傅之恩儒者以為榮前漢賜私讓唐于志寧遷太子太傅常與右僕射張行成俱蒙賜第志寧奏曰

臣居閔右代襲箕裘周魏以來基址不墜行成等新營在毛尚少田園於臣有餘中私讓

○太子太保群書要語保也者謹其身以輔其君而歸諸道者也禮記文王

召公為保書君奭凡三王教世子入則有保詳見總六傳入則有保○保

其尊體賈誼春宮保氏曲阜除春宮二太名秩甚尊同上行蘇頌太保制

○古公事實以開府加劉寔字子真以特進開府加太子太保王隱晉書以特

進行懷帝以荀組為侍中特進行太子太保晉中興書能保吾子後魏顯祖

將權位於京兆王子推陸襲抗言皇太子聖德承基四海屬望臣請列頭殿

廷有死無二父之帝意解語曰馥直臣也且能保吾子遂以為太子德導

太子唐蕭瑀為太子太保太宗曰三師以德導太子者也禮不尊則無所取

法謂請朝五奏張茂昭憲宗元和二年請朝五奏乃聽願留不許加兼太子

太保寵異分班宋朝王溥乾德二年罷為太子太保故事一品班於臺省

之後太祖因見溥曰溥舊相當寵異之即令分臺省班於東西國史

○太子少師古公事實太子親拜唐貞觀初李綱為太子少師為陳父子

君臣之道問寢視膳之方聽者忘倦太子嘗問確古來君臣孝忠盡節之事

綱凜然曰託六尺之孤寄百里之命古以為難綱以為易每吐論發言辭色

慷慨有不可奪之志太子未嘗不然禮待又綱有脚疾而不堪踐履太宗

令輿入東宮皇太子引上殿親拜之太子行拜房玄齡為太子少師時皇

太子將行拜禮備禮以待之玄齡厚自單損不敢修謁識者重其忠又曰

姚崇事實議選謂倪文宗議選舊德保護東宮乃以太子少師召貞觀

詔選文觀中房玄齡為太子少師玄齡遜位詔不許太宗因謂侍臣曰

太子師保古難其選分給院錢王起故太子少師起治生無檢所得錄賜

為童婢盜有貧不能存帝詔曰益仙韶院錢議者謂與院臣分給可耻也

起賴其入不克遂特選李綱拜太子少師綱素有脚疾太宗特賜

步輿令乘至閣下數引至慈中問以政道乘馬入省許敬宗為太子少師

乾封初以年老不能行帝特令朝日乘小馬入禁門至內省兩太子少師

元和以來宰相有兩太子少師故以所居別之一曰靖安少師一日永寧少師

職林黃韞少師後魏郭祚領太子少師祚從世宗幸東宮明帝幼弱持一黃

韞出塞之時謗祚者號為黃韞少師

○太子少傅群書要語少傅奉世子以觀大傅之德行而審諭之記漢桓榮

之賜賜車晉山濤之乘小輦記室漢用名儒在先疎受晉推碩德選在羊

公自傳之亞洪水制可領調護之任自集行嚴殺制俾登儲副之榮

朝儀表太傅少傅並不朝朔望漢故事

**古今事實**張良即傳漢高帝謂張良曰子房雖疾疆卧傳太子時叔孫通已為大傅張良行少傅事

**匡衡即對**匡衡為太子少傅數上書陳便宜及朝廷有政義即議經以對言多慈義上以為任公卿

拜太子少傅朝議太子接少傅以賓友之禮南史賜以車馬後漢桓榮字春卿顯宗立為皇太子以榮為少傅賜以輜車乘馬榮大會諸生陳其車馬印

綬曰今日折葉稽古之力可不勉哉並漢書晉山濤為少傅拜太子求退帝賜小簪棄之以訓太子六帖吳薛綜為太子少傅

子榮孫皓時為太子少傅晉平吳子蕪事元帝亦為太子少傅自綜至蕪三世傳東宮

**西京謝太子**孝明帝在東宮皇武皇帝欲以崔光為太子師傅光固辭帝命太子南面再拜官臣皆從太子拜光北面立不敢答拜唯西向拜謝而出乃授太子少傅

**東德尚義**山濤轉少傅詔曰東德冲素心思潛通清虛履道有古人之風望保傅不可不高天下之選羊祐東德尚義克已復禮又尚年少可父其事

**太子少傅**周顛字伯仁拜太子少傅上疏曰臣學不通一經苟不效一官乃欲使臣內管銜外參傳訓實輕雖事重子鈞此之不可不待議而明

**得輔道事**華庚字長駿選少傅得輔道之義書不言之益周顛拜少傅

有不言之益並晉書以老乞辭唐張行成拜左僕射太子少傅永徽四年二月不雨至五月行成懼以老乞身致次官曰古者策免垂罪已之義朕寡德非

幸相咎乃賜官女黃金與執勿復辭行成固請賜三傑詩源乾曜為少傅與左右丞相宋璟張說賜宴尚書自帝賦三傑詩以賜並唐書定三傳何曾

議太子少傅當攝臣拜荀顛曰太之與少自二傅之名次爾非於太子有輕重也詔曰奉漢以來舊章廢滅隨時改作其舊不可依用宜准古義遂定

三傳不拜疏受閑雅疏受為少傅辭理閑雅三傳正直王丹為少傅名德重於當時又東觀漢記丹為少傅蹇蹇正直為太子少傅魏志

**太子少保**群書要語東朝保傅歷代尊崇白集行嚴亞保春坊淇水古今事實知公直士唐李綱燕太子詹事頗乞骸骨高祖慢罵之曰建成在

東宮遣卿輔道何為屢致辭乎綱頓首陳謝曰云陛下功成業泰頗自矜伐臣事太子所懷鄙見復不採納高祖謝曰知公直士勉我兒於是擢太子少保上書太子曰綱備位保傅冀得效愚鄙數飲酒過量非養生道凡

為太子務孝謹以慰上心不宜聽受邪說與朝廷生其恚問太子不釋

秋稱名李綱為太子少保高祖以其隋氏名臣甚加禮禮手勅未嘗不稱名



宗在東宮雅意增史憲曰殿下儲副非以尋章摘句要通天意而已侍讀諸  
元亮經明行脩宜召問以察其言外選晉武帝以王恭為太常尹領太  
子詹事恭讓表曰今日王儲始建四方是式總司之任崇替所由宜妙選  
材畫一時之勝霸以經授孔霸宣帝時以經授太子為詹事漢書選  
珽遷詹事兼左庶子節愍太子稍失道珽凡四上書諫中宗嘉歎焉後禮富  
集馮定改太子詹事鄭置兼太子少師上曰欲會尚書自定據禮堂詹事  
府論者多其正征走有切晉謝琰征寇有功為輔國將軍領太子詹事  
實得詹事張說女嫁盧氏嘗為舅盧公求官候父下朝而問焉父不語但指  
指尺龜而示之女歸告其夫曰舅得詹事矣宋代詹事鄭欽字利用為太  
子詹事欽卒第代為詹事不得詹事辛琇少與武帝同年相愛常謂帝曰  
若得天下用我為領護軍太子詹事武帝即位琇但為左衛將軍不得詹事  
也台外詔歸嚴挺之徙絳州帝顧林甫曰挺之安在此其材可用林甫召  
其弟損之曰天子視絳州厚要當以事自解歸林甫見上且大用因給挺之  
使稱疾即奏挺之春秋高有疾幸得閑官自養帝恨叱之乃以為負外詹  
事詔歸東都長史屈除高宗為皇太子轉李勣太子詹事右弼率太宗謂  
曰我兒新登儲貳卿舊長史故有此除雖屈階資可勿怪也並唐書強諾

審喻唐李綱為太子詹事太子嘗遊有進魚者太子使膾之唐後趙元鼎  
自言其能太子曰操刀膾腥和鼎味公等善之若爾諧審喻則屬綱矣  
文華無籍陳後主在東京欲以江總為詹事孔奐曰江總有潘陸之才而無  
園綺之實輔弼儲貳切謂非宜後主深以為恨乃自言於宣帝將許之奐乃  
奏曰江總文華之人今皇太子文華不少無籍於總如臣愚見願選敦重之  
才以居輔導帝曰誰可奐曰都官尚書王廓代有士德立性敦敏可以居之  
後主時在側乃曰廓主泰之子不可居太子詹事奐又曰宋朝范曄即范泰  
之子亦為太子詹事後主固爭之帝遂以總為詹事  
**左右論德**歷代沿革唐龍朔中置左右論德各一人掌侍從贊諭職擬  
常侍掌論皇太子以道德隨事諷贊皇太子朝宮臣列侍左右階出入騎從  
並他官兼乾道置一人惟除左不除右元置左右論德掌訓道德侍從文章之事  
群書要語東宮之有論德猶上臺之有騎省清班優秩所選非輕自集元東  
朝論導杜牧除就列宮坊申贊諭之美自居易行  
詩句直道侍太子昌言沃宸聰文選崔承寵制  
古今事實卿是東家唐德宗拜崔莘為論德莘對東宮曰臣不識朝廷典故

見殿下合稱臣否東宮曰卿是東寮 **公可大用** 宋朝仁宗在東宮魯質肅  
公宗道為論德一日真宗召使者及門而公不在移時乃在肆中飲歸中使  
處入白乃與公約曰上若怪公來遲當託何事公曰但以實告中使曰然  
則得罪公曰飲酒人之常情欺君臣子之大罪中使嗟歎而去 真宗果問  
使者具如公對自此奇公以為忠實可大用 言行錄 **楊汝礪** 楊礪字汝礪  
真宗為襄王以礪為記室王甚重之東宮建兼右德諭 真宗即位召入  
翰林為學士 東都事略 **陳薦** 陳薦字彥升神宗為穎王薦為王府記室  
參軍神宗為皇太子擢右德諭

**左右衛** 歷代沿革 衛率 秦官屬詹事漢因之後漢主門衛徵循衛  
士而屬少傅魏因之晉武帝建東宮置衛率初曰中衛率太始五年分為左  
右衛率各領一軍後又置中衛率是為五率宋元嘉中置太子右衛率永初  
元年置太子後衛率衛左右衛率各一人隋左右衛各置率一人副率二人  
掌宮中禁衛唐左右衛率府率各一人副率各一人掌東宮兵仗羽衛之政  
令總諸曹之事宋太子諸率府率從七品大元置太子左右衛率府率掌同  
衛導從儀仗事

詳書要語 凡太子出前衛率導在前黃麾外左右二率從挾道填軍後衛率

從在烏皮外並帶戟執刀其服並視左右衛將軍 晉志 凡正至太子朝宮臣  
率其屬儀仗為左右廂之護衛出入如鹵簿之法 唐職官志

**古今事實** **身居三職** 李太亮拜左衛大將軍十七年晉王為皇太子東宮寮  
屬皆盛選室臣以大亮兼太子右衛率俄兼玉部尚書身居三職宿衛兩宮  
甚為親信大亮每當直必通宵假寐太宗勞之曰當公宿直我便安卧 **品**

**為第三** 隋宇文述每與晉王謀事及晉王為皇太子乃以述為左衛率舊令  
率官第四品以述素貴遂進率品為第二其見重如此 **文武信義** 太子左

率缺宜得其才無疾患者城陽太守石崇忠讜有文武河東太守焦勝清正  
著信義皆其選也 山谷啓 **清和理正** 車騎將軍荀悝山濤舉之為太子右衛

率稱清和理正從容顧問動可觀采真侍衛之美者 **褚爽** 幼失父  
以才藝堪幹立名肅宗即位徵拜屯騎校尉遷太子左衛率 晉中興書

**風神** 却儉為太子右衛率儉長八尺美鬚髮風神魁梧列宗異之 **御書**  
徐陵父摛為左衛率又表淑為太子左衛率謝莊為太子中庶子時南平王獻

赤鸚鵡普詔群臣為賦淑文冠當時作賦畢示莊及見莊賦歎江東無我卿當  
獨秀我若無卿亦一時之傑遽隱其賦 **書** **唐將儼** 除太子右衛副率  
時徵隱士田遊巖為太子洗馬在宮中無所補儼貽書責曰足下負巢由之峻節

傲唐虞之聖主養煙霞之逸氣守林壑之遁情去上萬乘之重申三顧之榮  
遇子以商山之客待子以不臣之禮將輔導儲貳漸染芝蘭爾皇太子春秋  
鼎盛聖道未周足下受調護之寄是可言之秋唯唯而無一談悠悠以卒年  
歲遊巖不能答 **諫廢賈后** 賈后下為愍懷太子左率知賈后必害太子乃  
問張華華曰君欲如何下曰東宮雋文如林四率精兵萬人公居阿衡之任  
若得公命皇太子因朝使錄尚書事廢賈后於金墉當黃門力耳華曰廢立  
大事又非所能賈后微聞遷下為雍州刺史下恐誅乃飲藥卒

○**僕正** 歷代公輩僕 漢世太子五日一朝非入朝日遣僕及中允旦入  
請問起居後漢太子僕一人千石主車馬職如太僕 晉詹事屬官有太子僕  
銅印黑綬進賢兩梁冠絳朝服品第五主輿馬兼主親族如太僕 宗正宋齊  
品服同家令從駕乘安車次家令 梁陳太子僕視黃門 隋僕寺置一人 唐龍  
朔中改僕寺為馭僕寺改僕為大夫掌車輿騎乘儀仗之政令及喪葬之禮  
物辨其次序與其出入而供給之 元置太子僕正掌車正收弓箭儀物事又  
太子副僕正掌貳僕正

**古今事實** 柳肅面折 隋柳肅遷太子僕太子廢坐除名為民大業中帝與既  
達語及庶人罪狀達曰柳肅在宮大見踈斥帝問其故答曰學士劉臻嘗言

章佐太翼於宮中為巫蠱事肅知而諫曰陛下帝之冢子位當儲貳誠  
孝無患見疑劉臻書生鼓播唇舌適足以相誑誤願陛下勿納之庶人不懼  
他日謂臻曰汝何故漏洩使柳肅知之令面折我

○**左贊善** 歷代公輩 唐置左贊善大夫正五品上掌傳令諷過失贊禮儀以  
經教授諸郡王龍朔二年改太子中允為之咸亨元年復置中允而贊善太  
夫不效加置五人職擬諫議大夫掌贊太子以規諷也皇太子出入動靜  
苟非其德義則必陳古以箴焉 宋贊善皆綠舊制除授而無職司 元置太子  
左贊善賞道德侍從文章之事

**古今事實** 先諫官言事 唐白居易授太子左贊善大夫七月監殺宰相武元  
衡居易首上疏論其冤急請捕賊以雪國耻宰相以官官非諫職不當先諫  
官言事會有素惡居易者摘據居易言辭浮華無行貶江州司馬

○**左右監門** 歷代公輩 隋文帝置擬監門將軍各有直長十人左右監門率  
各一人副率二人掌諸門禁煬帝改為宮門候唐左右監門率府掌東宮禁  
衛之法凡東宮諸司應以籍入于宮殿者皆本司具其官爵姓名牒門司門  
司送于監門監門之主與判曹即署送于門司門司會之同則聽入凡東宮  
內外門之守者並司其出入凡財物與用之出入於宮禁者皆以籍傍為據



左右監門以出入之若皇太子出入則依鹵簿之法率其屬於牙門之左右以為捍守垂拱中改左右監門率為鶴禁衛宋亦有左右監門元因之各掌門衛禁

○典儀附 贊儀 歷代沿革 秦置中庶子負漢太子太傅屬官有庶子後漢因之魏晉太子詹事有中庶子各四人局擬散騎侍郎品第五絳朝服武冠平巾幘掌禁令糾正違闕侍從左右儼相威儀畫規獻納奏事文書皆綜之釋奠中庶子扶左庶子扶右唐庶子之職掌侍從贊相禮儀駁正故奏元有太子典儀掌司贊禮儀事

○侍正 附 侍丞 歷代沿革 齊太子有內直梁有內主置主衣扶持等局各置有司以承其事陳因之隋門下坊領內直監唐因之職擬尚輦奉御龍朔二年改太子內直即掌侍璽繳扇几案衣服之事元置太子侍正掌冠帶衣服左右給使之事丞隨侍正輔丞之事

○典食令丞 附 掌領令丞 歷代沿革 漢詹事屬官有食官令長丞後漢太子少傅屬官有太子食官令一人秩六百石主飲食晉食官令職如太子令宋中庶子屬官有食官令齊詹事屬官有食官令職儀食官令一人掌膳之事建元中置食官丞四人梁庶子有食官局食官丞陳因之後魏

上北齊令丞又別領器酒局工丞太子食官丞一人門下別置典膳局監丞各二人隋改為典膳正家令寺統食官令丞唐食官署令一人從八品下掌領膳之事丞一人為之貳從九品下元置太子典食令典食丞掌侍奉餼饌又掌飲丞各一人掌奉香藥酒等事

古今事實 減膳 書唐邢文偉遷太子典膳丞時孝敬在東宮罕與官臣友見文偉輒減膳上書曰竊見禮記曰太子既冠成人免於保傅之嚴則有司過之史徹膳之宰史之義不得不可過宰之義不得不徹膳不今皇帝式稽前典妙簡英俊自庶子已上至諮議舍人及學士侍讀等使翼佐殿下以成聖德近者以來未甚延納談議不狎謁見尚稀三朝之後但與內人獨居何由發揮聖智使睿哲文明者乎今史雖闕官掌當奉職忝備所司不敢逃死謹守禮經輒申減膳太子答曰顧已庸虛早尚墳典每欲研精政術極意書林但在幼年未閑將衛竭誠耽誦因即損心比日以來風虛更積中奉恩重不許重勞所以屢闕坐朝時垂學緒公潛申勗戒式薦忠規敬尋來請良筮宿志自非情思審論義均彌諧豈能進此藥言形於簡默撫躬三省感愧兼深文偉自此益知言

○司經 歷代沿革 晉太子詹事屬官有洗馬八人掌皇太子圖籍經書職如

謁者局進祕書品第七班同舍人下絳朝服進賢一漆冠黑介幘宋亦置八人齊二人梁八人班第六正七品陳因之北齊一人從五品上隋門下坊司經局置四人從五品下唐因之龍朔二年改為太子司經大夫咸亨元年復舊神龍二年改司經局曰桂坊罷隸左春坊領崇賢館三年改司經大夫曰桂坊大夫糾正違失掌經史子集四庫圖籍刊緝之事立正本副本貯本以備供進凡天下之圖書上於東宮者皆受而藏之元有太子司經又有副司經掌經史圖書筆硯等事

**古今事實** 才美充職 梁更於陵拜太子洗馬舊東宮官屬通為清選洗馬掌文翰尤其清者近代用入皆取甲族有才望者時於陵與周捨並擢充此職武帝曰官以久而清豈限以甲族時論美之 **文雅登朝** 荀邃字道玄拜太子洗馬戴若思特見欽重作詩頌之曰洗馬荀道玄既累葉重光才經文雅所以弱冠登朝荀氏家傳 **官奏作書** 江統字應元召補洗馬每有疑滯太事章表奏議輒為同官所推常為之作草文士傳 **俸給田** 唐常彥為相先是百官俸料寡薄彥與宰相楊綰奏請加之時韓滉判度支表與滉各聘私懷所加俸料厚薄由已太子洗馬實司經局長官文學為之貳彥有親戚任文學者乃給十二千而給洗馬十千其輕重任情如此

**侍藥**

附

**奉藥**

歷代沿革

品下侍藥四人正七品下隋門下坊領藥藏局監丞一人侍藥四人監正七品下唐改為太子藥藏即掌和劑醫藥之事丞為之貳凡皇太子有疾命侍醫入診候以議方藥應進藥命藥備持節之侍藥和成之將集官臣監嘗如尚藥局之職元置太子侍藥太子奉藥掌奉醫藥

**都監**

附

**同監**

歷代沿革

有典內等員唐典內掌東宮閣內之禁及宮人糧廩賜予之出入凡任典內以儀式導客主之僨序任閣帥以門戶任內閣以出入任給使以繳扇任內廐以車輦任典事以牛馬典內統而監主之元有都監同監掌東宮閣內儀物等事

**司倉**

附

**副司倉**

歷代沿革

百石主倉穀魏晉已下無聞後魏第五品中北齊家令寺領典倉署令丞隋典倉丞二人唐典倉署令一人掌九穀入藏之教及醢醢庶羞器皿燈燭之事奉其名數而司出納凡諸園圍樹藝者皆受令焉丞二人判署事元置太子司倉副司倉掌倉出給及薪炭等事

**家令**

歷代沿革

家令

漢太子食湯沐邑十縣家令主之後漢

太子少傅屬官有家令秩千石主食庫飲食賤比廷尉魏因之晉家令品第五銅印墨綬進賢兩梁冠絳朝服宋齊清流皆不為之隋煬帝改家令為司府令唐改為家令寺龍朔二年改家令寺為官府寺家令為官府大夫元置太子家令掌司禮儀法等

**群書要語**張晏曰太子稱家故曰家令之職掌皇太子之飲膳倉儲庫藏之政令總管食官典倉司藏三署之官屬凡皇太子備禮出入則乘輅重其威儀先諸臣以導引若祭祀賓客則供酒食以為獻主六典太子家令主倉穀飲食職似司農少府後漢百官志本注太子家令主內茵褥林几諸供中之物及官奴婢月用錢內庫鹽米車牛刑獄宋書

**古今事實**以晉漢泉錯上書言人主所以尊顯功名揚於萬世之後者以知術救也皇太子材知高奇然於術救未有所守上於是拜錯為太子家令以辨得幸太子太子家號曰智囊以賢良舉為太子家令書補吏部郎晉武帝詔曰太子家令陸亮有忠心且補吏部郎觀譙周後主為太子以周為家令後主頗出遊觀增廣聲樂周上疏諫曰昔王莽之敗豪傑並起陸州據郡欲弄神器世祖初入河北賢才智士思望所歸未必以其勢之廣狹惟其德之厚薄也志蜀特被親遇齊文惠太子入居東宮

沈約為步兵校尉管書記時宮中多土約特被親遇每旦入見影斜方出

遷太子家令文魏官躰梁徐摛屬文好為新變不拘舊躰為皇太子家令

兼管書記文躰既別春坊盡學官躰之號自斯而起婢識家沈約嘗待宴

梁武帝有妓婢師是齊文惠太子官人帝問識座中客否唯沈家令約伏地流涕亦悲焉為之罷酒

○司藏歷代沿革晉家令主物吏四人梁度子屬官有錫賜庫局又有東宮

衛庫北齊家令寺領司藏署令丞隋家令統司藏署令丞唐司藏令一人掌庫藏財貨出納營繕之法式丞二人判署事唐置太子司藏副藏掌庫財貨出入之事

古今事類全書外集卷之三 睦親府部

○判睦親正事歷代沿革判睦親正事即宋之大宗正司也自仁宗景祐三年始置大宗正司以皇兄江寧節度使允讓皇姪彰化軍留後守節同知大宗正事時宗室子孫衆多聚居大第故於祖宗後各擇一人知宗正事令叙睦之違則糾其失焉元豐官制行詔大宗正司不隸六曹大宗正以宗室團練以上有德均者為之次一人為同知位高屬尊者為判掌糾合族屬而訓之以德行道藝受其詞訟而糾正其愆違有罪則先劾以聞法例不能決者

同上殿取裁凡宗室服屬遠近之數及其賞罰規式皆總之屬有記室一人  
掌牋奏講書教授十有二人分位隸授兼領小學之事崇寧元年蔡京請宗  
室非祖免親以下兩世欲於西京南京遷輔每處置敦宗院光宗即位改爲  
睦宗院元置睦親府掌敦睦糾率宗屬欽奉王事有判睦親正事以宗室中  
屬尊老充又有同判睦親正事同簽睦親正事並以宗室充又置睦親正丞  
及知事諸睦親將軍副將軍檢法等員

**群書要語**以親九族九族既睦書堯典周家忠厚故能內睦九族詩行葦親  
親以睦伐木三從九親別疎睦之族張晉傳整訓屬族次第昭穆杜牧行李

選諸近屬之尊重我太宗之秩曾子宜行宗展制司典屬籍有令名東坡  
除宗展制惟我公族統于大宗崇敘訓齊創宏規於文祖錢昭總訓齊於  
屬籍景惟時賢亮司我本支胡文恭行董正宗牒賜名宗展制總訓齊於

德之風成賴九宗之治正胡文恭董正宗籍賜名內以糾正於宗支元厚之除

**古今事實**領宗正務李勉都領宗正之務家傳定讀書規治平元年判大宗  
正事元弼言詳定到皇親讀書等賞罰規式詔依所定次第施行四朝國史

**訓道符**神宗太宗正司同知官各一人以宗室團練使以上充掌宗室之  
教法政令以行藝訓導而敦睦之受其辨訴之事而糾其失微罪即先劾以

聞即法例有疑不能決者同上殿取裁舉劾過失景祐二年二月太宗正司

言皇族凡有違越過失請從本司舉劾從之置自訟齋趙宣簡公不息字  
仁仲知大宗正事始置自訟齋請賜書使宗室有過者讀焉奏修官學添第

子員訓勉宗室先教養後法戒薦其秀傑者數十人多至通顯所論天下事  
尤多案開義室英宗在藩邸凡宗室人材能否皆詳知之頗賢宗惠及即

位擇宗惠為同知大宗正事告以選任之意宗惠乃即所居築室曰闡義日  
與學士大夫講肄其間以身倡率宗屬蔡劄子檢趙不息為大宗正司時

歲大旱一日進九劄子上即施行退而焚其檢上知其忠親信之宴禁中公  
前為壽上令公滿酌飲醕謂皇太子及嗣濮王等曰此賢宗室也葉木

**詳酌奏請**景祐三年始置大宗正司以名議與守節同領其事凡有奏請不  
得專達必宗正司詳酌而後以聞所以勉進其敦睦而糾正其愆失也

**鞍馬**皇祐三年以允讓知大宗正事守節同知大宗正事仍賜龍衣金帶鞍  
馬時宗室子孫衆多方聚居於大第故於祖宗後各擇一人令敦睦之違失

則糾正焉凡宗室奏陳先委詳酌而後聞仁宗實錄**賜甲第**仲忽入判六  
宗正事徽宗賜之甲第見親賢慈功之閣以示寵仲忽鯁亮端毅動循禮法

立宗司法式四朝國史**公宗**元豐七年以宗景知大宗正事先是宗

景父允弼宗司父神宗復選而用之使諭其母先王父司宗正德及皇族令命而子繼之夫人宜多慰也四朝國史宗景

○**監親正丞**歷代沿革神宗熙寧三年置丞三員以異姓朝臣充都官員外郎張稚圭知丞事光祿寺丞李德初同知丞事神宗疑用異姓王安右言前

代宗正固有度姓時乃錄春秋時公族大夫事神宗曰此雖無前代故事行之何害安右曰聖人創法不必盡循前代所已行者於是召稚圭對而命

之元豐五年詔大宗正丞中書省奏差以文臣京朝官知元置丞三人因舊制也

**群書要語**晉丞瑤籍慶元制爰裨訓齊律分糾正同上贊治公姓人無間言曲阜集知大宗正丞崔公夢制

**古今事實**相不能屈田畫字承君人物雄偉議論慷慨俱有前輩之風入

為大宗正丞宰相曾布欲收置門下不能屈言行錄曾佑少事楊時謝良佐陳瑾得存心養性之學及為大宗正丞秦檜專政士求媚以取要官

恬自守無所詘中興係年錄五事知大宗丞謝俊上宗室五事曰舉賢才以強本支更法制以除煩苛擇官師以專訓導繼封爵以謹傳襲修圖牒以辨親疎詔內外從官各舉宗室一人始立法大嚴宗室又關襲封之典遂

廢宗正有寺無官故及言之時用後議惟襲封食王府官部

古今事類全書外集卷之四

○**總王府官**附傳 府尉 司馬 文學 記室 參軍 歷代沿革漢帝子為王

王國置大傅相中尉各一人後每國置郎中令一人置諸王國大國有三卿左

右常侍侍郎深皇弟皇子府置師長史司馬從事郎中諮議及掾屬錄事記

室中共等參軍及文學主簿功曹等員嗣王府蕃王府則減後齊王世列大

司馬上置師一人餘官大抵與梁不異隋親王置師友各一人文學一人

長史司馬諮議參軍掾屬各一人主簿一人餘事功曹記室等各一人唐親

王府傳一人諮議參軍及長史司馬掾屬主簿錄事諸曹各一人文學記室

典籤各二人宋王府師傳係以兼官為之而無定員又有翊善直講贊讀記

室及諸王宮大小教授等官元正置傅府尉司馬文學記室參軍

傳漢高祖初置諸侯王有大傅輔道王魏晉因之宋齊梁陳皆為師後魏諸

藩王各有師傅北齊唯置師隨皇叔昆弟皇子為親王者置師唐因之開元

改為傅五代後唐長興四年以秘書監劉贊為之宋有其官而無定員正三

品元傅正四品掌師範輔導參議可也

**府尉**漢諸王國有王尉魏晉宋齊梁陳北齊並有中尉隋因為尉唐因之

置一人正九品下掌分判國司事宋無其官元置府尉從五品掌警嚴侍從檢校門禁總統府中事

司馬司馬主兵官宋齊諸王領鎮者各置一人梁陳後魏北齊隋並與長史同置唐因之置一人從四品下掌統理府寮

紀綱職務宋有其官名而無定員元司馬從六品掌同府尉之事

**文學**漢公府州郡並有文學魏諸王始有文學員晉宋齊梁陳皆因之班

第五從七品後魏六品上北齊因之隋唐親王府置一人從六品上掌雜校

典籍侍從文章宋置元復舊制從七品

記室記室公府置一人從六品上掌記室軍國書

有記室今史主上章表奏板書記魏太祖輔漢以陳琳阮瑀管記室軍國書

檄各一人所作晉諸公及位從公已上並置宋諸公府置梁陳公府及王府

皆置北齊因之隋唐親王府置掌表啟書疏宋太平興國中置政和中

以參軍行軍之際所稱詔除參軍字元復舊名正八品

**古今事實**有名必至以下係傳皇太子繹求乞自退封東海王故重選官屬

以杜林為傅從駕南巡狩時諸王傅數被引命或多交遊不得應詔惟林守

慎有名必至特受賞賜又辭不受帝益重之後漢

魯一官初立儀以本職領魯王傅儀嫌上宮相近乃上疏以魯王兼資文武

為國藩輔二官宜有降殺正上下之序明教化之本書三四上為傳書心動

輒規諫吳志曹真曹真為秦王傅秦王從孫握兵而驕曹真請置師傅

以輔之大臣畏王請王自擇秦王即請曹真拜秘書監為秦王傅曹真曰禍將

至矣五代史和凝和凝為魯王傅傳盡忠規諫事上動與人恭不治產

業不受施惠為屋舍才足自容鄰家有起大宅者惟出望見問大室者誰左

右對曰似吳儀家權口儀儉必非也問果他家吳志

孔申公弟子為博士十餘人孔安國至臨淮太守徐偃為膠西中尉其治官

皆有廉節稱其好學史記

**論語**同異淮陽王宣帝愛子器異其子欲以嗣王

帝龍自驕乃用韋玄成為中尉以輔導之受詔與蕭望之等論五經同異於

石渠閣三輔決錄張將軍梁孝王招延四方豪傑齊人公孫詭多奇計初

見日賜金官至中尉號公孫將軍前漢

**思中尉**劭弘字德裕時景帝為琅琊

王請弘為中尉弘素方嚴儀宏甚偉雖前接對悉委身隨使者潛至舍

冷使者進曰王有令弘徐理髮冠履俯伏盡禮然後讀之王與使者群立瞻

聽嘆曰古人稱不愧于屋漏其邵中尉乎吾乃逆詐以誡長者豈不陋哉王

虛心受納所宴言詰晝夜無休弘乃上書諫王書讀三四瞿然失色後謂左

右曰思邵中尉之言使人于今毛豎前漢母為王吏王吉為昌邑中尉以數

諫王得減死免戾子孫毋為王國吏

**方外司馬**以下係司馬後魏玉瞻為

十六

常山王司馬在并州雖戎馬填間未嘗以世務為累良辰美景嘯詠遊登  
臨水以談燕為事士人謂之方外司馬北史驢府司驢謝超宗為黃門郎

以失儀出為南郡主中軍司馬人問曰承有朝命定是何府超宗怒望答曰  
不知是司馬為是司驢既走驢府正應為司驢有司奏以怨望免禁錮十年

南史諫王不法蘇良嗣高宗時為周王府司馬王年少不法良嗣數諫甚見  
尊憚晉子願卿劉悼之拜相王府司馬帝謂曰卿家忠孝吾子願卿師矩

冀逢在麻不扶而挺也善詩賦以下係文李晉諸公贊扶風王年八歲聰  
明善詩賦中表奇之魏烈祖以為齊芳主文學善詩賦竟陵王子良開西邸

招文學中僧孺虞羲丘國賓蕭文琰丘令楷江洪劉孝孫並以善辭藻遊焉  
**不取貴遊**齊衡陽王好學善屬文武帝謂王儉曰衡陽王須文學南史高使筆

實相稱不得止取貴遊子弟而已乃以太子舍人蕭敷為文學南史精選賢  
友晉鄭表魏武帝初封諸子為侯精選賢友表與徐幹俱為臨苗文學

**察主東指**山中恭主衣每讀書文學左右常恐以精大為病數諫止之然性  
所樂不能廢也文學方輔相與言曰受詔察王舉措有過當奏及有善亦宜

以聞不可匿其美也遂其表稱陳表美公聞之大驚責讓文學曰修身自守  
常人之行耳而諸君乃以上聞適增其負累也**作富貴箴**以下係記室參軍

孫覺傳字莘老遷晉王府記室參軍王禮之問終身之戒覺為陳諸侯之萃  
作富貴箴**陳進退節**神宗封淮陽王穎主韓維皆為記室參軍王每事咨訪

維悉心以對至拜起進退趨揖之容皆陳其節四朝**專寫文疏**東海王越以孫  
惠為記室參軍事掌文疏每造書檄越嘗驛馬催之應命立成吳志**面叱巧**

**令**賈稱為晉府記室賈琰為判官每諸王宗室集琰怡聲下氣褒讚捷給  
稱心口賈氏子何巧言令色之甚獨不惧於心和談苑**不可得而親陳辭**

元敬薛收及族兄德音齊名世稱河東三鳳收為長雛德音鸞鸞元敬年最  
少為鸞雛武德中為記室元敬謹畏不嘗申欵曲於房杜如悔歎曰小記室

不可得而親不可得而疏**不可有功名**韓維字持國神宗初就外傳以  
維為王府記室神宗嘗與維論天下事語及功名維曰人之功名因事始見

人不可有功名心神宗稱善國史  
古今事類全書外集卷之五

**節使部**  
○節度使歷代沿革古方伯連帥之職後漢劉虞為幽州牧就拜大司馬公

孫瓚討烏桓詔令授虞節度晉伐吳詔王守受杜預王渾節度唐自武德至

天寶以前邊防之制其軍城鎮守捉皆有主而道有大將一人曰大總管已  
而又曰大都督至太宗時行軍征討曰大總管在其本道曰大都督有高宗

末徵以後都督帶任持節者謂之節度使然元末以名官景雲二年以賀拔延似充河西節度使自此以後接乎開元天寶之間朔方隴右河東河西諸鎮皆置節度使緣邊之地凡六節度外任之重無比焉至德以後天下用兵中原刺史亦循其例受節度之別若諸州在節度使內者皆節度焉宋節度使並兼管內官察處置等使以本州刺史長史為節度官察等使不臨本郡者以他官知判州府事防禦團練使刺史不赴本任亦如之故事節度使不帶使相位在卿監下至乾德五年升節度使班在龍墀內金吾將軍上無定員恩數與執政同初除瑊院降麻札尤異焉祖宗以待宗室近屬外戚國塔年勞久次若外任除殿帥始授此官亦止一員或有功勳顯著任帥守於外及前宰執拜者不輕受政和以後宦官秉旌鉞者蓋八員戚里以濫恩破格橫選者亦時有之政和二年詔節度使以下更不帶持節子只稱某軍節度使元祐官品今節度使從三品元節度使正四品

詳書要記元戎十乘詩總元帥之任殿天子之邦六帖節制諸侯糾繩列郡

○重鎮雄藩○分麾授律○見牙大任○分閫重寄○轅門幕府○將星人傑○鎮撫方城○藩屏邦國○外威夷狄○內撫黎元○作捍方隅○以稱王室○有國柱石○予王爪牙○旌旗重寄○河洛要冲○蘊佐命之才有

今邦之任○偶唐虞之代立方邵之勳並同上幢牙茸毒金巾析羽旆旌旗  
旆柳宗元集寵任麾鉞楊炎志入參廟算出總師手李受絳制授越開府致我  
南邦白集設壇而拜授鉞以征持衛義之印即拜軍中授彭之節行於關  
外元集初司戎鉞文集限守戎律同上統節制之師負否臧之律撫其四封  
率彼五長常集除旌惟進善節以詰奸同上為王爪牙為國藩垣韓愈上邢  
擁節總戎率身和衆劉禹錫集豹尾神旗景兜戟毒韓文龍旂四牡鈎膺鏐  
錫命服有章先君再揚除集節壽甲瑀戈涇師以往集旗鷲尾涇俗以寧經  
節度劉昌碑時昌為使碑鐵錫瑀戈乃主夏盟山玄朱組以靖蜀京李國  
南和王檢校僕射為鐵錫瑀戈乃主夏盟山玄朱組以靖蜀京李國  
七而出守十乘隱麟以序行常龍節蜺旌降於天上齊書翠軸錫在堂中同  
師鉞將旄非功弗授曲阜

詩句紅旆將軍昨日歸鎮劍馳紅旆詔出未央宮登壇近總戎上公周太保  
副相漢司空弓抱關西月旅翻渭北風岑參送李太保充渭北節度

古今事實賜之旌節唐節度使掌總軍旅顯誅殺初授具帑秣兵仗詣兵部  
辭見官察使亦如之辭日賜雙旌雙節行則建節樹六纛中官祖送次一驛  
輒上聞唐百官志天寶中緣邊禦戎之地置八節度使受命之日賜之旌節  
謂之節度使得以專制軍事行則見節樹六纛外任之重無比焉職官分紀



賜以樽勺牛僧孺字思黯為山東道節度賜晏樽龍勺詔曰精金古器以比

况君子親王遙領開元中刺王除安北大都護充安撫河東關內隴右諸

藩部落大使親王遙領節度自此始宰相遙領開元十四年河西節度副

大使知節度使蕭嵩除同中書門下平章事節度如故宰相遙領節度自此

始父子更九鎮唐柳仲郢父子更九鎮同日踐兩鎮李朔字元直帝方

經畋隴右徙想節度鳳翔李師道及詔想武寧同日踐父兄兩鎮世以為榮

六遷大鎮李晟克復市不易四及想平淮蔡後踵其美父子仍見大勳足

弟藉父勳烈率以第宅相高惟想六遷大鎮所處先人舊宅而已耳四佩

將印正中似為河西隴右節度使權朔方河東節度佩四將印勁兵重地控

制萬里近世未有也為律禁柳仲郢為太平軍節度使自拜諫議後每

遷官群為大集於昇平里第庭柱祭戟架皆蒲凡五日而散詔下家人以為

唐職林候除太平為不集持節就第自至德後方鎮降拜必遣內使持幢節就第

中大將鳴珂金鉦鼓角君後州縣齎印迎于道左從事三日洗印視其利闕

歲以八月考其功否銷兵為上考足食為中考邊功為下考即護北門裴

度為河東節度帝命盧弘宣諭曰為朕即護北門可也堪當閩寄唐元宗

求良將委以河東河北之事問郭子儀子儀薦李光弼堪當閩寄賞罰分明

封常清北庭都護持節伊西節度常清性勤儉耐勞苦出軍乘驟私廐裁

馬賞罰分明威令簡肅李愿元和初為銀州等節度使威令簡肅甚得緩懷

之術政更寬恕王周力其州涇州節度使涇州張彥澤為政苛虐民多流

亡周乃更寬恕問民疾苦去苛弊二千餘事民皆復歸力四鎮皆有善政

政代寬簡張洪靜徙節宣武承韓洪唐政代寬簡民便安之秋毫無犯郭

子儀李晟為節度使收長安秋毫無所犯今嚴無犯令狐彰拜滑毫魏博

節度使當寇冲城邑墟秦彰躬訓吏下檢軍力農法令嚴無敢犯者田疇大

闢庫委豐餘年時貢賦如期頗有治名薛高相為邢洛等州節度使方太

亂後人亦厭禍高謹奉職頗有治名更除縵政安潛代高駢領西川節度

使駢駢為奸利者潛誅之數年更除縵政公退端居段秀實拜涇原節度

節度使三四年間吐蕃不敢犯塞清約率易遠近稱之非公會不聽樂飲酒

私室無妓女無贏財退公之後端居靖慮而已我服侍見柳公綽使山南

時牛僧孺罷相入江夏公綽具戎服於御舍侍之軍吏以漢上地尚於鄂禮

太過公綽曰奇章才離台席方鎮重宰相是尊朝廷也竟以戎容見之

為治嚴稜裴玢授同州節度元和二年徙山南東道玢為治嚴稜畏遠權

十九

勢不務貢奉疏食弊衣居處取此風雨而已倉庫充實百姓安之

贖索徐申進嶺南節度使外蕃咸以珠璣瑁香天犀浮海至申於常貢外未嘗贖索商賈競盈信廉義成表滋徙義成節度使滑州武地東有淄北魏博

滋嚴作而推誠信務在懷來李師道田季安畏服之居七年百姓立祠祝祭也

威震兩河却士美討王承守遺大將王獻督萬人為前鋒敵姿橫士美斬

以徇下鼓之大破賊憲宗曰固知士美能辦吾事承宗大震懼會詔班師威

震兩河斬折七軍高崇文元和初為右神策行營節度使統諸鎮討西川

劉闢至四元軍中有折旅店之七等者斬以徇初闢擒東川節度使李康及

崇文克棗州而歸康求雪已罪崇文以康戰軍失守斬之

誅舞文吏柳公綽為山南東道節度使行部至御縣有二吏犯法一賊緝一舞文縣令以公

綽守法必殺賊吏獄具公綽判之曰賊吏犯法上在奸吏壞法上亡誅舞文

者斬朱泚使韋臯為營田判官權知隴州留後事朱泚既僭遂令家僮使

于臯又遣劉洵質受臯鳳翔節度使臯俱斬以徇於是進臯為御史大夫隴

州刺史置奉其軍節度使以旌之

行守珪令張九齡為相范陽節度使張守珪以裨將安祿山討奚契丹大衄執送京師請行朝典九齡奏曰守珪軍

令而行祿山不以克死許民它遷張延賞為淮南節度歲旱民它遷更禁

之延賞曰拘此而斃不如適彼以生乃具舟遣之勅吏為修室廬已連信

歸者更增於舊瓜步舟車津渡而通擊江南延賞請度為揚州自是行無

壅禁俗不墜李嵩檢校太原以北諸軍節度使太原俗為浮屠法死不墜

以戶按山谷飼鳥獸號其地曰黃坑有徇數百頭其食皆頑為人患吏不敢

禁屠至遣捕群徇殺之申厲禁修遂革其風

西道逐獮李臯遷荆南節度使允戰大小三十二取州五縣二十斬首三萬三千生擒萬六千未嘗敗師

所過不敢越桑賈踐禾稼朝廷仰食江淮而淮西道出九江至大別皆與賊

接軍轉戰數千里餉路遂通江漢倚臯為固

南裔肅然李復轉領南節度使時安南經略使高平正張應繼卒其佐李元度胡懷義等阻兵於州縣肆

為奸賊復至誘懷義杖死流元度南裔肅然教民作陶瓦鑄諭蠻俗收瓊州

致都督府

自擇良後杜牧追述長慶以來朝廷措置無術復失山東鉅封

劇鎮地大者連州十餘小者循兼三四故兵驕則逐帥七強則叛上或父死

子握兵而不肯代取捨由於士卒往七自擇將吏號為留後以邀命於朝天子

力不能制因而撫之謂之姑息之政姑息愈甚而兵將愈驕由是號令自

出以相侵擊唐志

號為唐志武節度王沛死宰相裴度韋處厚以高

錫領忠武節度自大曆後擇帥悉出管軍中尉所輸貨者假貨富人後得所

錫領忠武節度自大曆後擇帥悉出管軍中尉所輸貨者假貨富人後得所

錫領忠武節度自大曆後擇帥悉出管軍中尉所輸貨者假貨富人後得所

欲則推贖斷膏倍以酬息十償六七及遇有命士夫相告曰韋裴作相天下無積帥隆麻非故事唐制節度使除僕射尚書侍郎者謂之納節皆不降

麻止合人院草制宋天禧中丁謂自保信軍節度使除吏部尚書兼知政事先公在兩閣草制政和中韓公有武康軍節度使除工部尚書三司使隆麻非故事也春明節度有二節宋祥符中上覽河南節度使知許州石普奏狀

用許州觀察印以問宰相王旦曰節度軍州有二節兵仗則節度判官掌書記推官署狀用節度印印之舊職則觀察判官署狀用觀察印印之符制屬縣則大使判署用州印印之同上三世節使宋朝三世節度使一家吳琳子

挺孫職四世節使四世為節度使二家錢忱高祖俶曾祖惟演父景臻鄭藻太父紳父成之子與裔五世節使五世為節度使二家韓佐曾祖忠獻從子邈從孫同卿曾孫族六世節使六世為節度使二家劉光世父延慶

錢忱父景臻邢煥子孝楊韋淵子謙吳珍子拱吳璘子挺郭浩孫景揚存中子俊劉鐸父武仲吳益子瑠璉吳璠子璣吳挺子職兄弟建節兄弟建節七家吳玠弟璘錢忱弟恂韋謙弟謹吳益弟璠弟挺吳瑋弟瑒李孝友弟孝純

○**防禦使**歷代沿革唐武后聖曆元年以夏州領防禦使防禦使之名自此始

始開元二年薛訥為隴右防禦使天寶中安祿山犯順太郡要地當賊必者

置防禦守捉使代宗授田承嗣魏博等州都防禦使大率防禦隸所治州歲以八月考其治否以無虞為上考清苦為中考政成為下考宋沿唐制置諸州防禦使元置諸路防禦使掌防制盜賊事

**群書要語**朕之腹心唐代宗永泰制兵防之任同上宜進厥位以稱禦侮之實荆公除皇姪制禦侮之寄曲阜除曲珍制列位軍防淇水除皇伯克思制正名閑禦之任東城除曹評制爰昇扞防之秩龍溪制升軍德之任增使節之華除文茶行李希及制

**古今事實**虜不能犯薛可言小帝即位遷澶州防禦使時虜寇魏博遊騎晨夕至河上可言備豫有素虜不能犯民皆便之五代世宗時李玉為安州防禦使治郡寬簡民皆便之吏民數百人詣監軍馮守規請立碑頌德詔

中書舍人富儀撰文賜之州人立碑郭王世宗時為齊州防禦使歲不登以俸鈔分施飢民自憐境來者亦均給之人懷其惠相率詣闕頌其德政立碑郡人立碑宋李漢超為齊州防禦使郡人愛之求為立德政碑太祖詔

徐鉉撰文賜之邊夷畫像王敏字延昭為防禦使屢有邊功天下稱揚為無敵夷虜皆畫其像而事之云以禦鬼疾

古今事類全書外集卷之六

統軍司部

○都元帥副元帥歷代沿革元帥舊無其名左傳晉作三軍謀元帥雖有元帥之稱而非官名後周大象元年詔以上柱國為行軍元帥隋以魏王為之唐凡親王總戎曰元帥文武官總統則曰總管高祖定京師置左右元帥太原道行軍元帥西討元帥天寶未置天下兵馬元帥皆以親王領之又以太臣為副元帥大曆八年罷天下兵馬元帥建中四年以李希烈又置諸軍行營兵馬都元帥會昌中置靈夏六道元帥天復一卒置諸道兵馬元帥尋復改曰天下兵馬元帥五代長興間加為天下兵馬大元帥錢俶在漢朝為東南面兵馬都元帥宋建隆元年加錢俶為天下兵馬大元帥元立都元帥府掌征討之事有都元帥左右二副元帥左右二監軍又有檢法等員

辭書彙語方叔元老克壯其敵詩晉作三軍謀元帥左傳  
古今事實詩書元帥晉作三軍謀元帥趙衰曰卻縠可臣亟聞其言矣診禮樂而敦詩書詩書義之府也禮樂德之則也德義利之本也節度元勳唐詔郭子儀李光弼等九節度之師討安慶緒帝以子儀光弼俱是元勳難相統屬故不立元帥征討元帥唐榮士琬為征討元帥高仙芝為副琬素雅稱風

格秀整時士度咸服焉撫軍元帥唐寧王琰英毅有才略善騎射每血戰在前時玄宗幸蜀留肅宗討賊至靈武肅宗即位欲以廣平王為元子以琰為兵馬元帥左右曰廣平今未冊立艱難時人猶屬望於元帥况太子從曰撫軍守曰監國今之元帥撫軍也廣平為宜遂以廣平為元帥玉冊金印同光中以錢鏐為天下兵馬都元帥尚父尚書令封吳越國王賜玉冊金印手詔勅書唐代宗即位丙官程元振忌嫉宿將郭子儀巧行離間請罷副元帥子儀既謝恩上表進肅宗所賜前後詔勅因自陳訴曰陛下曲垂惠愛念及勤勞貽臣詔書一千餘首聖旨微婉慰諭綢繆彰微臣一時之功誠子孫萬代之寶自靈武河北河南彭原鄜坊河東鳳翔兩京絳州臣所經行賜手詔敕書凡二十卷昧死上進庶煩聽覽詔答曰朕不德不明狎大臣憂疑朕之過也臨軒授鉞德宗幸山南以渾瑊充朔方節度武等道兼永平軍奉天行營兵馬副元帥上臨軒授鉞用漢拜韓信故事禮行禮唐郭子儀自巫陽入朝帝御安福門符之命子儀樓上行朝見之禮宴賜隆厚圖凌烟閣唐德宗初為天下兵馬元帥封魯王時史朝義據東都代宗遣德宗會諸軍大舉破賊於洛陽朝義走河北分命諸將追之俄而賊將斬朝義首以獻河北平以元帥功拜郭子儀等八人圖形于凌烟閣圖凌烟閣昭宗末年中書奏西

京舊有凌煙閣圖畫功臣今遷都洛陽合議修建副元帥梁王勳庸冠世仍請凌煙閣側別創一閣以表殊勳從之陳人退走後周肅恭寬至淮南所在皆密送誠款謂五門尤為險要陳人若開塘放水即津濟路絕孝寬還守之陳刺史吳文立果遣使與之無及於是陳人退走江北悉平公招後唐轉公拓據江東及命河間王孝恭為行軍元帥擊之將發宴諸將取水忽化為血在坐失色孝恭飲之曰此公指授首之徵也衆服其識度後果擒公拓有功造統開元十八年奚契丹犯塞肅宗時為忠王乃授河北道元帥信王偉為副帥御史大夫李朝隱等入總管兵討之及諸將大破奚契丹肅宗以逆統之功加司徒竟不臨戎隋開皇十八年以漢王諒為行軍元帥水陸三十萬伐高麗諒至遼水師遇疾疫不利而還十九年突厥犯塞又以諒為行軍元帥竟不臨戎清河江神隋楊素為行軍元帥伐陳素率水軍東下舟艦蔽江旌申耀日素坐平乘大船容數千艘陳人望之曰清河公即江神也兩浙尚父唐詔曰朝廷每有將相恩命准往例列銜於勅牒後側書使字今兩浙節度使錢鏐是元帥尚父與使相名殊不合刻署勅尾今後每署將相勅牒宜落下官位仍求為式詔置寮屬吳越正明三年詔授錢鏐諸道兵馬元帥四年置元帥府寮屬置將帥錢弘佐開運三年詔授東南兵馬都元帥李

彘賈之求救也諸將皆不欲行弘佐因召文武官集議果言山水險惡不可與兵弘佐變色曰唇亡齒寒古之明戒吾為天下元帥豈不能恤隣若有異議者斬衆皆攝伏乃遣將誓師辭令明肅果有成功

○監軍歷代沿革史記司馬穰苴請以龍臣為監軍後漢光武使來歙監諸將晉武帝以刺史為監軍唐以官者為監軍五代後唐亦有太原監元帥府有元帥左右一監軍亦掌征討之事

古今事實錢平遊軍可為文王征壽春使監軍石苞簡銳卒為遊軍魏志袁帳德帝後唐張承業為太原監軍常從征討王師既退汴營大將周德威慮其奔衝堅請退舍帝怒再帳而寢諸將咸詣監軍請承業遷至牙門褰帳而入撫帝曰此非安寢時周德威若將洞識兵勢姑務萬全不可忽帝蹶然而興曰予方思之其夕遂收軍五代史  
朝何驕貴齊司馬穰苴將兵托燕晉之師宜曰臣素卑賤願得君之寵臣國之所尊以監軍景公使莊賈往直與賈約會甘中於軍門宜先馳至立表下漏賈素驕貴及時乃至直遂斬賈以狗三軍士皆振慄服之史記  
論法張承業為太原監軍武皇屬以後事曰吾兒孤弱群庶縱橫後事公善善之承業奉遺詔策居多莊宗感其意兄事之時諸王之貴介弟在晉陽宮或不以其道承業悉不聽論法禁者必

懲由是貴戚歛手不與指錢後唐莊宗時或有中傷監軍張承業於莊宗者  
言專弄威柄廣納賂遺莊宗時還晉陽宮有太后嘗置酒命與聖宮使繼  
筵為承業起舞既罷承業出寶帶幣馬奉之莊宗指錢積謂承業曰和歌  
筵字也無錢使七歌與此一積寶馬非殊惠也承業謝曰即君歌舞承業自  
出已俸錢此錢是大王庫物誰擬支贖三軍不敢以公物為私禮也自勿  
詔宋均為監軍時將軍馬援征漢南臨水軍士多病均懼眾疾疫矯詔迫降  
之諸將莫應均力勸兵圍賊詎為詔而降之為置長史而歸自劾矯詔之罪  
帝善之正可委官事蕭復為相嘗言艱難以來始用宦者監軍權望太重是  
曹止可委官振事兵要政機難使參領帝不聽不得干重李德裕為相先  
是韓全義敗於蔡杜叔良敗於陳皆宦人監軍制其權將不得專進退詔書  
二日三四下宰相不與又諸道銳兵驃士皆監軍取以自隨每督戰乘高建  
旗自表小不勝輒出旗去大兵隨以比由是王師所向多敗至討回鶻澤  
德裕奏請詔書付空司乃下監軍不得干軍要自是號令分明將乃有口  
毀子儀唐九節度圍賊相州以魚朝恩為觀軍容使郭子儀有定天下之功  
居人臣第一朝恩心妬之乘相州敗醜為詆譖肅宗不納其語然猶罷子儀兵  
軍京師代宗立與程元振一口加毀帝未及寤子儀憂甚俄而吐蕃陷京師

卒用其力王室再安朝恩內斬天金步布張承業為太原監軍帝初獲玉璽  
諸將勸帝復唐正朔承業自太原急趨謁帝從容言曰今元凶未殄軍賊不  
克願殿下受人推戴悠悠之謀無益實事因泣下泫泫帝曰子非所願奈諸  
將何承業自是多病日加危篤卒於官凶問至帝悲慟連日輟食因言曰天  
奪孤之子布也

○招討使副招討歷代沿革唐貞元時置招討使自後隨用兵權貴罷則  
停後以節度兼支度管由招討經夏使則有副使判官各一人五代後唐亦  
以招討使為都統之副宋因之元有招討使副招討

群書要語前命相臣招懷無矜而誑誤示以生門斯於畫脫網羅豈欲驅之  
爾奔而豺狼當道荆棘塗衣雖欲歸之於仁厥路無由而至元稹表度制丁  
劍橫陣萬夫莫前陰則難窺身則重閉匪夫緩急之任繼父絳侯奈尊禦侮  
之才為吾子路一品集王宰制

古今事實唐德宗初即位建中二年田悅圍邢州次臨洛詔河東  
節度使馬燧與昭義節度使李抱真相策將李晟合兵救臨洛悅兵大敗邢  
州圍亦解以功右僕射尋又加遂魏博招討使三年又敗悅於源水詔加魏  
州大都督府長史兼魏博等四州節度觀察招討使

外集

三

西宣尉招討處置使詔出度以韓弘為淮西行營都統不設使為招討請樞  
稱宣尉處置使從之賊鋒屢來填為潁川郡太守充招討使肅宗以瑄武  
畧久加委任遷兼御史大夫北收河洛屢挫賊鋒頗來攻皆為瑄所敗賊等  
懼之號為來嚼鐵籌畫皆出五代後唐莊宗與郭崇韜謀討伐之計時明宗  
為諸道兵馬總管當行崇韜自以宦者相傾欲立大功以制之乃奏曰魏主  
繼發德望日崇大功未著宜依故事以親主為元帥莊宗曰小兒幼稚安能  
獨行卿當擇其副崇韜未奏莊宗曰無踰於卿乃以繼發為都統崇韜為招  
討使率親軍六萬進討西川籌畫皆出崇韜繼發承命而已龍圖公范仲  
淹知慶州兼經畧招討使未幾賊兵三萬叩城仲淹麾兵戰賊奔北遂戒諸  
將無追奔既而果有伏兵又奪馬為大順城及繁細腰胡蘆等寨招明珠城  
滅二強族萬餘人又命環州种世衡招千餘人又之王師再喪於定川仲淹  
書夜領兵為援初關輔人心動搖及見仲淹耀兵號令嚴明威震戎落人心  
遂安第相賀曰邊上自有龍圖公為長城吾屬何憂崇韜代公慶曆三年以  
鄭戢代仲淹為四路都招討置府於涇管慨然慕郭代公功業元昊擁眾臨  
黑山戰勒兵巡邊抵鎮我趨蓮花堡置酒高會旗幟絡野鑼鼓喧天虜眾十  
萬相顧不敢動元昊謂其下曰我已遣使稱臣朝廷何為復用此公其長如此

○都統領歷代沿革晉孝武帝太元十九年有河西大都統唐天寶末置為  
天下兵馬元帥都統朔方河南北平盧節度使都統之名始於此乾元元年  
戶部尚書李岷除都統淮南江東西節度使宜慰觀察處置等使都統之官  
始於此唐制或總五道或總三道上元末省大中後討徐州以康承訓討黃  
巢以荆王鐸為都統黃巢之難置諸道行營都統掌征伐兵罷則省雖總諸  
道兵馬不賜旌節宋諸軍都統制者自渡江已前亦有之然未嘗為官稱蓋  
是時陝西河東三路皆以武臣職高有智者為馬步軍副都總管遇出師征  
討則加以都統制軍馬之名非有司分也建炎元年置御營司遂擢王襄愍  
為都統制都統制各官自此始太槩南渡置統制一則兵與稱謂不一諸路  
起兵有自稱統制者州縣管押勒王兵者亦有稱統制者諸道都總管及諸  
司便宜差統制者建炎初劉光世上言於是並罷惟中都主兵朝廷差充統  
制者仍舊紹興十一年韓世忠張浚岳飛除樞密副使罷宜撫司其統制將  
副並故充御前隸樞密院各帶御前字入衛其兵馬就令所部統制官節制  
而都統皆以屯駐各冠軍額之上獨川陝如故嘉定初蜀叛既平安觀文又  
奏分興州十軍為涇州三軍馮州除都統制利州除副都統制天下有十都  
統矣是年兀朮犯涇州詔樞密使張浚於鎮江府置司措置江淮守備後發

張憲事併岳飛賜死後遂薦其將定遠軍節度使兩中堂故岳飛之兵又  
薦清遠軍節度使王德在金陵於是並詔為御前都制師中於鄂州德於建  
康府駐劄其後 大軍又有統制同統制副統制統領同統領副統領等其  
下乃有正將副將準備將之名皆偏裨也舊制準備而上自主帥陞差仍先  
申樞密院定察紹熙四年詔江上陞差統制至準備將令主帥解發三人赴  
總領所內選一為慶元三年詔陞差並委主帥自是主帥之權復重矣元統  
軍司有統軍使統軍副使及都統領統領副統領知事之職  
辭書要語元戎十乘以先啓行 卻毅將上軍 左傳 長子帥師湯孫弘御戎  
左傳 戎帥 賜朱克融詔節將 李御公集 宜兼領護之權副帥貞之吉李若由  
制執羈羈府及忠肅之勤誠欲劄元戎整旌麾之茂績 張近師制折衝之寄  
符至帳而總金璫 同上 出總戎麾 杜佑制 分委戎輅作鎮孟津 杜牧行李班  
冊授銅符之律 王縉制 執戎鈐以泄衆 杜黃裳制 維持戎律 陳敬道制 權握  
兵戎 許董昌制 建牙統衆必藉雄才 陸集劉洽制 出統戎旃 宋廣平集 詔來  
帥能罷四方作儀 翰父為戎臣 師同上 分命督將保寧疆境 開元戎制  
詩句 牙箭圍孤兔 韓 百萬魏貅趨玉帳 三千賓客冠金貂 羅隱上羅鄂王  
古今事實 出銀河 郭子儀在元初詔為諸道兵馬都統 今奉諸鎮之師

抵淮陽詔下旬日為魚朝恩所聞事竟不行 永泰元年以子儀都統河南節  
度使行營出鎮河中 分紀 湯滌群寇 乾符黃巢大掠江淮宰相王涯曰臣忝  
宰相之長在朝不足分陛下之憂願自率諸軍蕩滌群寇朝議然之乃拜守  
司徒平章事荆南節度使諸道行營兵馬都統 唐會要 肅宗相期 太宗引尉  
遲敬德為右一府統軍右僕射屈突通咸言敬德初歸國家情志未附請殺  
之太宗曰寡人所見有異邊命釋之引入卧內賜與金寶謂曰丈夫以意氣  
相期勿以小疑介意寡人終不聽讒言以害忠良今以此物相資表一時共  
事之情也是日因從獵於榆窠遇王世充領步騎數萬來戰世充驍將軍單  
雄信領騎直趨太宗敬德躍馬大呼橫刺雄信墜馬敬德異太宗以出賊圍  
太宗謂敬德功最多出衆人證公必叛天誘我意獨保明之福善有徵何相  
報之速也時賜金銀一篋恩賜日隆官序相當 德宗幸梁洋回初廢天威軍  
左右神策軍舉西漢謁者隨何下淮南功拜為中尉故事命神策監軍為中  
尉又以功臣數多或有秩至司空僕射罷鎮入朝無官序相當乃置六軍統  
軍秩視六尚書為節迴朔之地 分紀 宿泉敗虜 李贖宗字君錫元末寇邊劉  
光世充三京等路宣撫使表公為本司前軍都統制上以宸翰賜公曰卿如  
立奇功與卿建節諸行會淮西戰于柘皋平木大敗公追至柘皋奪其視之



被虜者以萬計言行錄和尙原戰丞相魏國張忠獻公於兀朮欲窺蜀公令  
陝西都統制吳玠於鳳翔府之和尙原先屢戰地誘致其來兀朮引衆十餘  
萬來犯玠與虜戰凡三十餘陣兀朮中箭而遁俘其將羊哥孛董及酋領三  
百甲殺賊衆橫屍滿野兀朮其衆損者過半皆呻吟扶携以歸同上天  
戰李愬時逆亮犯順公以池州都統移軍舒城除御營先鋒都統制瑛騎  
報賊兵萬人渡淮公領趙康年等與虜戰于大八洲首挫其鋒乘勝掩擊過  
淮虜軍溺死者千餘人同上立功取節賊衆劉視十萬已次于濠壽之間  
張浚拒之詔併以淮西軍屬浚沂中為張浚統制官浚遣沂中至泗州與浚  
合且使謂之曰上待統制厚宜及時立功取節賊或有差跌浚不敢私言  
行錄破賊復沂州和義楊郡王沂中傅李成叛沂南招討使張浚議所以破  
賊王時為右軍統制官遂由上流徑絕生米渡出賊不意遇其先鋒擊退之  
賊將馬進銳卒數萬來犯浚率兵攻其前沂中乃將騎數千與神武後軍  
統制陳思恭出山後前後夾擊乃大破之遂復沂州

統軍部

○管軍總管歷代沿革魏黃初始制都督諸州軍事後周改都督諸軍事為  
總管武帝時以玉譙為益州總管之名始此隋文帝以并益荆揚四州置大

總管其餘總管府置於諸州列為上中下三等加賜持節賜帝改帥都督為  
旅帥唐諸州復有總管亦加賜持節刺史亦加號持節武德初邊要之地亦  
置宋馬步軍都總管以節度使充副總管以觀察以下充有止一州者有數  
州為一路者有帶兩路三路者或文臣知州則管勾軍馬事舊相重臣亦為  
都總管有禁兵駐泊其地者冠以駐泊之名咸平廢三路都總管景德詔鎮  
定兩路併為一路諸路並去行營之名止為駐泊總管慶曆三年詔近分陝  
西緣邊為四路各置經畧安撫招討等使自今路分總管鈐轄以上許與都  
總管司同議軍事路分都監以下並聽都總管等節制違者以軍法論七年  
析河北四路各置都總管一員如無事止以安撫使總制諸路八年諸州節  
署並改總管兵馬總管副總管總管舊日部署英宗曆諱改焉有兵馬總管  
副總管凡武臣以諸司使以上充文臣以兩省五品以上充一州即為兵馬  
總管一路即為步軍總管副總管建炎元年李綱言守備當於沿河沿淮沿  
江置帥府要郡以控扼其帥府文臣一員帶安撫使馬步軍都總管武臣一  
員充副總管改路分為副總管遇朝廷起兵則副總管為帥副鈐轄都監各  
以兵從出聽其節制軍官願行者聽紹興二年要郡守臣罷帶兵職諸路副  
總管可依舊改充路分鈐轄五年密院言東南多事宜置近軍官總領軍政

乃詔兩浙江南荆湖福建廣東可依三路置總管於前於七年淮東置總管  
十二年諸路並置州總管一員元有管軍總管其下有管軍上千戶管軍中  
下千戶管軍總把管軍上中下百戶等員

**古今事實**當今名將太宗曰當今名將惟李勣薛萬徹江夏道宗而已以青  
丘道行軍總管伐高麗拔其城唐薛萬徹傳任以潘岳唐高祖詔黎州總管

曹國公徐世勣本自黎陽擁徒歸順任以潘岳誠效克彰唐高祖詔黎州總管  
遼東道行軍大總管率兵二萬執高藏男建等詔勸獻俘昭陵定襄制敵唐

裴行儉為定襄道行軍大總討之行儉曰以謀制敵可也因詐為糧軍車伏  
壯士五輩又伏精兵踵其後虜果掠軍壯士突出伏兵至殺獲我及前定天

山唐薛仁貴副鄭仁恭為欽勒道行軍總管將行宴內殿帝曰古善射有第  
七札者卿試以五中射焉一發洞貫九姓衆十餘萬今驍騎來挑戰仁貴歟

三矢輒殺三人虜氣攝皆降軍中歌曰將軍三箭定天山將士長歌入漢關  
九姓遂衰唐薛仁貴傳蘇烈字定方為神丘道大總管討百濟俘其王義慈等

所滅三國皆生執其王唐薛仁貴傳膠東王道彥從李靖擊吐谷渾詔為赤水  
道總管帝厚以利啖克項使為鄉導其酋拓跋赤薛請靖自言隋擊吐谷渾

我資其軍而隋無信及見仇刺今將軍若無他我願資糧諸將與歃血遣之

道至闊水見無備因掠其牛羊諸寇悉為赤薛所乘軍大敗唐薛仁貴傳

夏王若恭信州總管蕭銑揚江陵俄進荆湘道總管統水陸十一軍攻夷陵  
破銑一鎮縱戰艦於江中諸將曰得舟當濟吾用棄之反資賊奈何若恭曰

銑之境南際嶺左薄洞庭地險士衆若城未拔而援至舟多何所用之今銑  
瀕江鎮戍見艦舟敵正下必謂銑已敗不即進兵規候往返以引救期則吾

拔江陵矣已而救兵到已陵見船疑不進銑內外阻絕遂降戰俘各王李太  
亮為河東道大總管出北道與虜遇蜀渾山大戰破之俘其各王戰獲可

襄邑王神符迂并州總管頡利可汗盜邊神符與戰汾東斬級五百獲馬二  
千及戰沙河獲乙利達官得可汗所乘馬及鎧擊下十城李大亮擢金州總

管府司馬主洪烈據襄陽詔太亮安撫樊鄧因圖之進擊下十餘城進拔不  
黎必何力蓋蘇文死男子為弟所逐使子詣闕降乃拜何力為遼東道行

軍大總管安撫大使經夏之副李勣同趨高麗勣已拔新城乘勝進拔八城  
引兵還與勣會何力率兵五十萬先趨平壤虜其王以獻何力裴寂受

晉州道總管討賊以便宜突事賊將宋金剛據介州寂屯度索原賊掠水上  
流寂徒屯為賊所逼兵大潰宣帝李靖授嶺南撫慰大使檢校梓州總

管以嶺海陋遠久不見德非震威武示禮義則無以安服即率兵東巡所過

明疾苦延見長老宣布天子恩意遠近懼服靈巖城內唐長孫晟為秦川道  
行軍總管出討突厥晟斬千餘級有逆官來降言突厥大畏長孫總管聞其  
乃聲可謂霹靂見其走馬稱為閃電晉王笑曰將軍震怒威行域內分紀  
而唐李靖為定襄道行軍大總管率勁騎三千由馬邑趣惡陽嶺頡利可  
汗大驚曰云云太宗曰靖以騎三千喋血虜庭遂取定襄古未有輩足澡吾  
渭水之耻矣唐職林志  
召詔入朝泉男生授平壤道行軍大總管兼持節安  
撫大使率奇勿南蘇倉巖等城以降帝命舍人李慶繹就軍慰勞賜袍帶金  
細七事明年詔入朝所過州縣傳合作歌吹右羽林將軍李同以飛騎迎定  
先登報國唐張士貴貞觀中為冀州道行軍總管太宗以其冒矢石先登勞  
之曰常聞以忠報國者不顧身於公見之聖書褒勞即孝恪馬督主叛岑恪  
請擊之即拜西川道行軍總管率步騎三千出銀山道夜襲其王龍突騎支  
虜之帝悅降其書褒勞金瓶賜勞秦叔寶事秦王府拜馬軍總管戰美良川  
破尉遲敬有功帝賜以黃金糲勞曰卿不恤妻子而來歸我且又立功使朕  
肉可食當割以啖爾兒子女玉帛乎詞詩祖道張仁愿為朔方軍總管春選  
朝秋復督軍備邊帝為賦詩祖道賞賚不貲詩祖道石嶺以障  
塞突厥去入勇冠三軍薛萬鈞為沃沮道行軍總管從李頌討吐合渾復

進擊斬數千級勇冠三軍職林裂地高麗莫離支男生為其弟所逐遣  
子乞師詔勸為遼東道行軍總管率兵二萬討之破其國執長藏男建等裂  
其地州縣之詔勸敵俘昭陵同上銳士深入侯君集李靖討吐合渾以君集  
為積石道行軍總管君集曰王師已至賊不據險天贊我也若以精兵掩不  
備彼不我虞必有大利靖然其計簡銳士約齋深入大戰破之獨全軍歸李  
靖為行軍總管以江淮兵萬人屯大谷時諸將多敗獨靖全軍歸俄權檢校  
安州大都督李勣李勣為通漠道行軍總管出雲中與突厥戰走之引  
兵與李靖合因曰頡利若渡磧保於九姓果不可得我若約蒼薄之不戰縛  
虜矣文靖喜以與已合於是率眾夜發勸勤兵從之頡利欲走磧勤前屯磧  
曰不得度由是酋長率部落五萬降于勣拜大都督府長史天策深入吐合  
渾寇邊李靖往見房玄齡曰吾雖老尚堪一行帝以為西海出軍大總管靖  
決策深入遂輸積石山大戰數千國人多降吐合渾伏見自縊擊賊大奔  
蘇烈擢伊麗道行軍大總管復征賀魯侯斤頰獨綠擁眾萬帳降烈撫之賀  
魯率十姓兵十萬拒戰輕烈兵少射左右翼包之烈令步卒據高嶺稍外向  
賊三突步陣不能入因其亂擊之賊大奔鬼章逐野野克字武之為環慶路  
馬步軍副總管改郵廷移鬼章據州謀害唐欲將兵出講珠榮會于桃

合寇我疆兇自何州率兵破不浦宗城被道驍將縱火講珠潔明白青唐兵  
至不得遂州之援鬼章遂降東都事畧不征遂降燕達為蔡鳳路副總管  
何州景思立陷於踏白城達討山後諸羌斬首四千級還至訶若城木征遂  
降同上總領軍政見前沿革總領軍政燕宗正吏職官志總管鈐轄司掌總  
治軍旅屯戍營防守禦之政今凡將士隸屬者訓練教閱賞罰之事皆掌之  
續會要機速軍行熙寧中詔諸路如遇出入之本司兵馬機速事申稟不及  
者副總管得專行同上機宜景德中以參政王欽若判天雄軍兼都總  
管初帝曰天雄且為重鎮思得熟識機宜行事果斷者准之於是欽若請行  
分紀燕達戰功熙寧五年以燕達權發遣環慶路駐泊總管掌州之役達有  
戰功故自鈐轄職遷總管然其資淺故令權發遣自燕達始也實錄  
勇狄青自漢臣京師呼為狄天使上嘉其材勇為涇原路兵馬副總管上欲  
一見之詔令入朝會寇逼平原乃令亟往涇原俾圖像以進上觀其儀表曰  
朕之關張也於是有人狄萬人之稱以敵萬人也和投方畧國朝淳化中以秦  
政趙昌言為川陝兩路兵馬都總管太宗以蜀寇尚有殘孽會昌言安撫招  
討仍賜御札數幅下宰授以方畧委任雄盛分紀御賜秘畧景祐四年以御  
製神武秘畧賜於邊總管鈐轄每得代更相授之同上遵裕知軍熙寧五年

上謂執政曰王韶絳州人獨高遵裕朕才力與都鈐轄如何王安石曰縱  
與權總管亦無害蔡挺曰如此即當罷知通遠軍蓋自來無總管離帥府而  
知軍州者上曰有事宜即出駐劄使知軍亦何妨安右曰總管知軍與鈐轄  
何異亦不須舊制有無也乃以遵裕知通遠軍權熙河總管史錄  
熙寧四年涇原路都總管張玉卿延劉永年並令再任玉與一子官權各使  
文彥博曰兩人同是用而推恩不同上曰玉累有戰功永年但久執卿延未  
有代之者若一槩推恩無以激勸言即律惠天聖七年劉平授忻州團練  
使屬上封事言趙元昊連姻耶律必為邊患授知寧環慶副總管遣中人就  
賜黃金器請持夏國牒種子諤字子正李憲措置熙河邊事子諤即延路副  
總管秉常為母所囚子諤入對大言曰夏國無入秉常孺子臣請持夏國牒而  
來神宗壯之東都事畧

新編古今事類全書外集卷之一



終

